

15. oktober 2020

**Kalaallit Nunaata Imermut Oqimaaloquttamut Isumaqatigiisummut atatillugu Kalaallit Nunaata nunap immikkoortuatut tunuarsimaarfigineqarneranik Namminersorlutik Oqartussat atorunnaarsitsinissaat pillugu Inatsisartuni aalajangiiffigisassatut siunnersuut.**

(Suliffeqarnermut, Ilisimatusarnermut Avatagiisinullu Naalakkersuisoq)

Naalakkersuisutimermut umiarsuarni oqimaaloquttamut, isumaqatigiisummut tunuarsimaarfigininnerminnik atorunnaarsitsinissaat pillugu inatsississamik siunnersuuteqarput, tamannalu siumumiit imatut oqaaseqarfigissavarput.

Pigaaruteqartorujussuuvoq nunatta imartaani issittumiitumi imartatta illersorneqarnissaa. Tamatumani uumassusillit minnerugitsumillu imaani aalisakkanik avammut anigaasarsiuteqarnerput eqqarsaatigalugu, mianerinillutalu paarsilluarnissarput. Tamatumani erngup oqimaaluttatut atorneqartup sunniutigisinnaasaai kingunerluuteqartinneqassanngippata, sukannersumik nunatta imartaata illersorneqarnissaa pigaarutilerujussuummat.

Siunissami aatsitassarsiorneq eqqarsaatigalugu umiarsuit ullumikkornit amerlanerusut tikittalersussaapput. Avataaniillu nunattinnukarnerminni imermik oqimaalutaqartartussaapput usilersortinnatik ingittariaqartagassaminnik. Tamatuma kangerlunni nunattalu imartaata oqartussaafigisatta iluani tamatumuunakkut mianersuussinissarput pigaarutilerujussuuvoq. Taamaatumik avataanit nunattinnut tikittarumaartussat imermik oqimaaluttamik igitsissatillutik 3-sømiilit avataani imeq nassarsimasartik ingittassagaat pingaarutilerujussuuvoq. Uumassusillit kangerlunni sarfallu ingerlatsinerata issittup imartaaniinnerput sunniuteqarfiginerlussangikkaa sakkortuumik malittarisassaqartinneqartariaqarpoq. Isumaqatigiisummut piareersimaluaralaruttaluuniit qulakkeersimajuartariaqarparput. Immatta annermik sutigut tamatigut inuuniarfigisatta minnerpaamik sunnerneqaginnissaa uumassusillit avataaneersut nunarsuatsinni ajornartorsiutaanerat ilaatigut saqqummiusissummi oqaatigineqarpoq. Qulakkeersimajuartariaqarparput erngup iginneqartussap sinerissami isumannaatsumik pinaveersaartinnissaa.

Siumumiillu tamatuma qulakeersimajuarnissaata sukannersumik nakkutiginnissaa kaammatuutigaarput.

Taamatut oqaaseqarluta, siumumiit siunnersuut aapassaaneerneqartinnani ataatsimiititaliami susassaartumi suliarineqarnissaa innersuupparput.

Jens Danielsen - Siumut